



Inatsisartuni ilaasortaq,
Agathe Fontain, Inuit Ataqtigiit

Pineqarpoq: § 37 naapertorlugu apeqquteqaat nr. 239-mut, meeqqat inuusuttullu pillugit inatsit.

30. september 2015
Sagsnr. 2015-10068

Asasara Agathe Fontain.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: inin@nanoq.gl
www.naalakkersuisut.gl

Qujanaq apeqquteqaatinnut.

Apeqq. 1: Naalakkersuisut suliniuteqarpat meeqqat inuusuttullu pillugit Inatsisartut inatsisissaat nr. xx, xx.2014-meersoq naammassiniarlugu?

Siunnersuut UPA 2014/137-tut siullermeerneqarnikuuvoq, tamatumali kingorna ilaatigut Inuit Ataqtigiit kissaateqarnerat naapertorlugu Ilaqutariinnermut Peqqissutsimullu ataatsimiititaliamit suliarineqartussanngorlugu innersuussutigineqarluni. Tamatumani kissaatiginartinneqarmat pisortat meeqqanut inuusuttuaqqanillu ikiorsiisarnerat sakkortusaavigineqartariaqartoq aammalu pinaveersaartitsinermi suliniutit sapinngisamik piaartumik aallartinneqartarnissaat kissaatigineqartoq. Tamatuma saniatigut ilaatigut Inuit Ataqtigiinnit apeqquserneqarpoq, ilumut suliassaq kommuninit kivinneqarsinnaassanersoq, tassami manna tikillugu inatsisigineqartut kivinniarnissaat ajornartorsiutigereermassuk. Nuannaarutigaaara Inuit Ataqtigiit matumuuna saaffiginnissuteqarnermikkut siunnersuutigisimasartik qaqeqqimmassuk, naak naluneqanngikkaluartoq kommunit suliassanut tamakkununga tunngatillugu oqimaatsorsioreeraluartut.

Maannakkorpiaq isumaqarpunga suliassanut matumunnga tunngatillugu mianerisassat isiginiarneqartariaqartut meeqqat inuusuttunullu inatsisissatut siunnersuutigineqartut qaqeqqinneqassappata. Tamatumani ilanngullugu isummerfigineqartussaavoq Qitiusumik Siunnersuisoqarfiliornissaq, tassuunatigullu anguniarneqarmat suli pitsaanerumik meeqqat inuusuttuaqqallu siunissami sulissunneqartalernissaat tassani sulinermi misilittagarineqartut toqqammavigalugit meeqqanut inuusuttuaqqanullu inatsisissami tapitartuunekarumaartut pilersaarutaavoq. Tamatuma saniatigut pilersaarutigineqarpoq nutaamik innarluutillit pillugit inatsisiliortoqarnissaa, tamatumani tassunga tunngatillugu nalunaarusiaq utaqqimaarneqarluni.

Apeqq. 2: Naalackersuisut qaqugumut pilersaaruteqarpat meeqqat inuusuttullu ikiorserneqartarnerinut tunngatillugu Inatsisartunut saqqummiussaqaassallutik?

Apeqqu 1-mi akissutigineqartut innersuussutigalugit naapertuuttutut isigineqarpoq innarluutillit pillugit inatsisissamik saqqummiussinissami, inatsisissatut siunnersuutit matumani pineqartut ataatsimoortillugit saqqummiunniarnissaat. Tamannali 2017-mi upernaakkut ataatsimiinnermut piviusunngortinneqarsinnaassasoq naatsorsuutigineqarpoq.

Inussiarnersumik inuulluaqqusillunga

Martha Lund Olsen